

Totkv-rakko ofvn vpokof, "Aeha! estomen Hesaketvmese em estvlke tvkleceyvtes; momet en nettvu vyvmahkeyvtes; momēskate," makaket, estemerraket hvkihokvres.

Vn hesse, ceme hiyomat mv este toyetska? Aeha! momen amat, mucv vtekat Hesaketvmese en nettv tvkleheetskvs. Merkvñ em apohievs. Hofuñe mahekon, "Nettv sulke," Hesaketvmese, "cem merre, cem etektvneevte estomet aretskvñ haks?" ce kicet, cem'pohvres. Cem puyvfekev enrahkv sekak hesayeeetske tayen, ce mehakvtet omvret okv, heyvñ kerrvranetsket os. Ce feket mucvse hakot omekon amat, estomet heren Hesaketvmese em vhakv vfastet, en Nettv-veakateu here vfvstetskeko tayes. Ce feket etv hakot omen amat, Hesaketvmese em vhakv vtekat vfvstetv ece 'fveke hakēs.

Momof Tewe mekko tate okot, "Cen cuko ofv nettv hvnkusis nettv cukpe rakko hvnken es en heres," maketskvres. Mv amat Fekepkv-nettv vkericetsket o haks?

Em vtotketv omvilkvñ em en heretsket ome haks? Momekat Nettv-veakat evpke mahet este naorices kometske haks? Yvñv ekvñv Fekepkv-nettvñ hiyome cem momen amat, Hesaketvmese 'me tvlofv liketv ce metetakekon omes. Estofis mekusvphoye munkvt omes. Fekepkv yuksv-sekot omes. Momis mv svhopakv yvñv ekvñv nettv ohmerhoyvten vlosicetskekon amat, ce feke mucvsen ce yacen omes. Hesaketvmese tvlkuset heyv ce feke mucvset ce'me tayet omes. Em Puyvfekev Herat ce olitoten, esto mucvset ce haye tayes. Aeha! ce feken e'mvs, Cen holwvyeckv omvilkvñ viliket, Cesvs cv Hesaye-

ev tes komet, oh vyvs. Momof yvuv ekuv Hesa-
ketvmese em vtotketv ece 'fveke tares, momvtet of
Hvlwe-este sulkat vpaket, ece 'fveket, vkvsvkv
yuksv-sekon vyvhiketskvres.

Estvuv hopvye tis Nettv-cako omof vyetv tokot
omes, momet hvvm cukoperice e afvcecietv tokot
omes. Momekv mekusvpkv tis fulleyvten omat,
este vwahat momusen pu hutem vpeyvranevet omes.
Momet mekusvpkvu vpeyem omat, mv tvlken vkerri-
cet, mekusvpkvu roriheet, fulleyvtet, mekusvpkv ro-
pottof, pu hutem fuleevranevet omes. Apuekv tis
hopohyekos, Nettv-cako omof, nake eten neseyvte
tis, nake etemfvceetv tis opunvyeevranevet omes.

Merkv vtotketvu vfvstvranevet omes. Este enok-
kan emvnicet, hvvm este elat hopelet, hvvm vpue-
kv tis elvranevet emvnicetv omvranevet. Nake mome-
evranevet tvlkuse ocakat heyv mv tes.

"Fekepkv-nettv *cele en kvpyeci-*
kate ofv cem afvceketv hopoyetv cele en kvpyeci-
cetsken omat, momet Fekepkv-nettv este afvceciat,
Cehofv enake veakat, vrakkat tes kicetsken omat,
momet Cehofv vrakkuacet, nake kometskat vfvstets-
kekon omat, momet cem e afvcecietskeket, cem
opunkv tis opunvyetskekon omat, Momof Cehofv
ofv e afvcecietskvres, momen ekuv hvllhawan ee
oh licares, momet Cekvpe cerke enaken ce hompi-
cares, Cehofv e cukvvt opunvyvtet omekv." Es.
58:13, 14.

"Momen mv etohnvkvftetv vtekat em ofv mv
vhkv momet mv opunkvu vceyevkvres. Momet
Fekepkv-nettvu vrakkucevkvres." Ezk. 44:24.



VHAUKEN VKHOTTVS.

Erwv toyetskat, vhauke nvkhottvs ce klyyof, cvpykke here ont a hehcetskvs. Hotalan, Pucat tayen etkolen okis. Ce hesake vtekat vhauke vkhottetske munkv taranat tvlkekv, hiyometan eskerretskan heres.

Estoman oketska? Cokv-heckvn ayit, nakeokvn keriyit, vhakv-hayv hakvranvyet omes. Momvranvtet mometsken omat, vhauke sulken vkhottet estehununwv here haketskvres. Vhauke estomakaten oketskat vm onvyvs, Puca toyetskat. Momat hofunusekon liketsken, estomën okvyat cem onvyares.

Euhvteceskv ce hvckot vhaukets. Mvn nake ker-
rvkekat pohekaren vkhottvranetsket os. Opunvkv
hervkekis, cepvnyke es ce tempunayis, momen este
mynetvylke tis nake herekis ce mvhayake wites;
mv omakat pohekaren, vkhottvranetsket os. Mvn
momecetskekon, ce hvckohauke esceyen omat, Etwv,
este vhakv-hayv hakvranvte en heren, ayeko taye
hahke wites. Momen ce turwv en hauken hvvm
vkhottvranetsket os. Nakeokv hervkekat tis, mo-

men nakcokv-tvlème holwahokis hecetsken omat, ece hopvne tayekv, mv-omvlkv hecekaren 'mvkhot-tet herakat tvlken esheevranetskes. Momen nake herakuse omvke neskv-cukofv nake wiyetv tis oces: mv omakan hecekaren vkhottvs. Mvn momecetskekon omat, cvtokunawv veayecetv kerrekot, estimv em merretskeko tayvres.

Ce cukhvripe 'mvhauke-haket vkhotkvranať tvl-kuset os. Mvt ce tulaswv nake hervkeko 'sopunv-yvranať 'semvkhottet omekv. Mvn vketece heret ometskvres, mecetskekon omat, opunvkv holwahoke evpvkhome tis sossices. Monkv vketecet, hoporrenkv herakan vteloyet sulecetskof, nake herakate min sossicetskvres.

Ce feke ofv vhanen nake ece'nrapat asceyeka-ren vkhottvranetskes, cem vkerriekv ce feke ofv opunaye ocat vhacke cem vheciuvts, momis mv cem onayan em apohicetskekon omat, nake cem onayvte wikepen ce'stemerike wites.

Monkv vhericet ce hvcko, momen ce turwv, momen ce cukhvripe vhanen vkhothuecetsket on omat, naorketv moskometskeko es ce ceye ce'stemerrice tayate sulken 'mvkhottetske tayes.

Momekv vhanke vkhottetv nake vfvstvkvre teta-yet os. Ymv ekvv arètskis, nake cen hervket omes; momen emeyuksv-sekat ofv cen hervren kometsken omat, yvn momeevranetsket os.

VKTOPV.

HEVV nake ocat vktopv tes. Hvecet tikesko tayet omen, vktopvn hayet omhos. Mv vktopvn oh



huyiret tiketvt os. Eto, tis cvto tis vktopv es hahoyet os. Momis hvce hvnkat ocet os, momen este estomet mvtan, vktopvn hayet, tikeko tayet os. Elkv en hvccet mv tes. Momis Cesvs pum vnicon, mv hvce tiyeceyes. Mvn em e wikēt, em enhonrēn omat, elkv en hvce yomuekat roriceyof, mvt epu yvpayet es pu tikvres. Momet mv elkv en hvce es pu tikof er tupalv ekvrv here mahan 'se pu'yvres, momen mvn vpaket estofis epu 'fveke tares.

PU FVCKET ETEHECES.

Pu fvcket, epu 'facket
 Heyvmvn etehēcēs.
 'Rolope hoyanatet
 Nettv heran 'svlakes.
 Heyv afvckety nettvn
 Epu 'facket heces.

Cehofvn vkvsvmvks,
 Pun hesaketvn pu'mes;
 Nake pu 'fvccicat
 Nettv omvlkvn pu'mes.
 Heyv, etc.

Pu 'facket etehēcēs,
 Cesvs, epu'nakneevs,
 Pum afvckety omvl'
 Ece 'fvccicate!
 Heyv, etc.

Purkvlken, mvhayvlken,
 Pun hessvlke tohkvlen
 Muev pu 'facket heces,
 Monkv yvhikēt okēs.
 Heyv, etc.

Monk' pu Hayvtēn hvttm
 Heren vkvsvmvkes;
 Pu nesvren Eppuce
 Hvmkusat atotvtes.
 Heyv, etc.

En 'Yvfekev Vcakan
 Em 'poheyet on omat,
 Mvn a pun 'totepvres,
 Monkv vkvsvmvkers;
 Heyv, etc.

TEWE WENSLETT.

HECATSKES, Tewe Wenslett e hocefkvv vliket os, heyv nakcokv enhvteceskvv. Mv este heren vkerriatske tayat ce sasvkēs, momet heyv e hocefkvv hecatskat, este hēret omvten kerratskes.

Momis este sulket heyv este kerrvkvte sekok heyv nakcokvvn hecvkvres, komis. Mv esvrahkvv opunvyecvrans. Mv este mvnettof, Mvskokvvlke hopuetake sulket cokv-heckv hiyome em etektvvnkat omekot omvtes. Kawetv mvhakov-cukon likof, nakcokv kerretvvn eyacuset on hecat, mvhayvliket, yafke, vtotketv en hoyanof, mvhayaken, kerretvvn vliceceptes. Heyv 'remohyupv, hopuetake ocehpofvt, em etvlwv mvhayetv eyacat, Tvlvhasse mvhakov-cukon vnaknecuset liket, 'sten kerrepet likvtet os. Momet este-hunvvnwv orepet ont, momet em erkenvkv, Laklec kicetv, en yvteket o estomis, hopuetake cokv hecat vpake hecetv es e yatuecekot omvtes. Momet hvtnv here kerre mahat mvhayv Lapvse tepaket. "Mvskoke en Nakcokv es Kerretv Enhvteceskv" tohtylhuecakof, mvhayv etvt nakcokv Klamv kicetvvn emvhayen, heren er kerre mahet omvtes.

Heyvn ce kiekis, esti toyatsket, estvmvn hue-

ratske estomis, ce mivnettet ot, ece'eulet o estomis, heyv este arvte omet, kerretvn vcevllatske munkv-res, komit okis.

Hoporrenkv vrakkuecet omekv, estofis este vpy-lwv 'seuf vcahnet, 'sem vnicetv eyace emunkvt omv-tes. En helypket o estomis, cokv-heckv ocat vlek-hounet, em apohicet, momet em vcahnet omvtes. Heyvn mv omvkes.

Este vnokecat omecicen, lvpken nakokv en hec-kykepvren komet, vnickv es naorekatet omes. Nettv vrakv Laklec emvnicen cokv tohtvlluecen en ho-yanof, vpyltake cokv lopuckuce hayetv emvnicet omvtes.

Vhvmkv, cokv "Cesvs a oh vtes" semvwetene-pnehoevren tetakuecetvn pu yacet ofvn, yeceyvntvs, mohmet "Rvro em vkwikvn cv kihocen, 'Ve vevkv-peyatsken, este em vkwiyvlken ce hayvkares' Cesvs makvten vkerricvyis," makvntvs, momet pu mivni-cvntvs.

Erkenake 'mapohicakat, Cesvs vnokeckv, momet este vnokeckvu e feke fackuset omen, hecaktet omes. Turopuswv e turwv fackusen, Cesvs em este-merkvt e em onayet, "Cesvs vnokecepvks," makvtet omes. Em vretv omvkvte este vnokece tat kerkue-cet omvtes, momen este vnravv nycome mahat tates, komvyet omis. Moman erkenkv Pvknv ele o' erkenakof, hesake hnerof, este vnravv oeko mahat omvtes, makvtet omes.

Pucase en huehkvranat em etetake taret kome munkvt omvtes. Hvyakpon etehoyanet aret, este tvk elhocvtet omen vkerricet, vyecicet, yvhiketv 161 tetakuecet, e hute er ohret, cokv es hayvtet omes.

'Renyupvn opunvkv Cokv-Rakko asossen yvhiketv
160 coyvtet omes.

Monkv, espoke enokkof, Vlekv Heckak hecvtet,
"Em eyuksv mahlvptketvt omvnks," maket cokv
pum atotvtet omes.

Monkv mv omatskvren ce kievkvyet omes.

Hoporrenkv hopokv mv omatsvres.

Heyv cem onvyvkvyat omvlkvn mv omatskvres.

Este emvnickv mv omatskvres.

Cesvs vnokecety tuv omatskvres.

Este omvlkv vnokecety, momet Cesvs 'soh ayety
komety mv omatskvres.

"Pucaset cen huehkes" mahokof, vm etetake
tares, komet, estofis vketece huervte omatskvres, ce
kievkit 'respoyis.

Kvco-hvse nettv 17, ohrolope 1862 ofvn, ymv
ekvny en kvpahket, fekvpkv Pucase 'metetakuecv-
ten eceyepvtet omes.

"Este-facev em elkvn cv'lekvs, momen vm eyuk-
svt mv enake omekvs."

HVYATKOF TEHECEYVRES.

HVLWE mimvn hvyatkof teheceyvres,

Monkv ce 'fackvkokvs;

Afvcketv omeyuksv sekaten

Ahonec'yvres.

Mvn vhauke 'stofis vkhotkekares;

Mvn hesaketv etot huerepes;

Mvn hesahokvte vpokes;

Mvt pu hute tares.

Hylwe mimvn hvyatkof teheceyvres,
 Monkv ce 'fackvkekvs.
 Heevks! oketvt pvnfnen hoyvnepet os,
 Teheceyvres.
 Mvn vhauke, etc.

Hylwe mimvn hvyatkof teheceyvres,
 Monkv ce 'fackvkekvs;
 Pun hessvlke pu homvn vpeyvttet
 Pu 'mehaket os.
 Mvn vhauke, etc.

Hylwe mimvn hvyatkof teheceyvres,
 Monkv ce 'fackvkekvs;
 Enokketv, estemerkvu sekares;
 Fekvpeyvres.
 Mvn vhauke, etc.

Hylwe mimvn hvyatkof teheceyvres,
 Monkv ce 'fackvkekvs.
 Cesvs pu Nesv vpake toveyvres
 Meyuksv-sekan.
 Mvn vhauke, etc.